

Rencana



SAMBUTAN Hari Kebangsaan seperti tahun-tahun sebelum ini tidak akan dapat dilihat pada 2020. - GAMBAR HIASAN

**MOHD.
NIZAR
SUDIN**



KITA pada tahun ini menyambut kemerdekaan negara di tengah-tengah kerebakkan Covid-19 yang masih belum menunjukkan sebarang tanda untuk berundur.

Pandemik kedua pada abad ini, kini melanda lebih 200 negara dan wilayah dan seperti pada 24 Ogos, lebih 23.5 juta kes yang disahkan dan lebih 800,000 kematian di seluruh dunia.

Covid-19 mengubah amalan hidup kita sama sekali, baik formal maupun tidak formal. Upacara nasional, seperti sambutan Hari Kebangsaan tahun ini tidak lagi berlangsung seperti tahun-tahun sebelumnya.

Jika diperhatikan sepanjang pelaksanaan Perintah Kawalan Pergerakan (PKP), kebanyakan rakyat menunjukkan kepatuhan yang tinggi dan akur dengan setiap arahan atau perintah dikeluarkan kerajaan. Orang ramai duduk di rumah, bahkan tidak membantah apabila rutin mereka diselektrik dan tempat ibadat ditutup untuk membendung kerebakkan. Secara keseluruhannya, dalam menghadapi Covid-19, mereka menunjukkan kerasonalan dan tidak mudah terpukau kepada perkara karut-marut dan tidak mudah percaya berita palsu yang berlegar-legar melalui media sosial.

Di sesetengah negara, termasuk di negara maju, orang ramai turun di jalanan membantah kawalan keluar

Patriotisme lawan pandemik

masuk (*lockdown*) dan arahan pakai pelitup muka di tempat awam. Sebaliknya di negara kita, di sana sini kelihatan orang awam memakai pelitup muka sebagai amalan norma baru. Boleh dikatakan secara keseluruhannya, rakyat berdisiplin dan akur dengan segala arahan dan perintah kerajaan tanpa menafikan ada sebilangan yang bertindak sebaliknya.

Di sebalik musibah yang melanda, bahkan di tengah-tengah politik pecahbelah, rakyat menunjukkan semangat patriotik yang kental. Memang memerlukan, sesuatu yang sukar kelihatan sejak beberapa dekad kebelakangan ini kelihatan terserlah sekarang. Mereka sentiasa bersama-sama dan bergerak sederap dengan kerajaan dalam pertempuran dengan musuh yang tidak nampak ini.

YAKIN

Bagi keseluruhan rakyat, Covid-19 ialah musuh bersama mereka. Oleh itu, mereka meletakkan kepercayaan dan keyakinan terhadap kerajaan khususnya Majlis Keselamatan Negara (MKN) dan Kementerian Kesihatan. Sebarang suara sumbang yang yang memandang rendah atau memperlekeh langkah kerajaan, pastinya akan disambut dengan serangan balas orang awam terhadap pihak berkenaan.

Pada suatu ketika, Malaysia dilanda teruk oleh Covid-19 dan pernah menduduki negara teratas di ASEAN

“Memang memerlukan, sesuatu yang sukar kelihatan sejak beberapa dekad kebelakangan ini kelihatan terserlah sekarang. Mereka sentiasa bersama-sama dan bergerak sederap dengan kerajaan dalam pertempuran dengan musuh yang tidak nampak ini.”

dari segi kes disahkan. Ketika itu, petugas barisan hadapan mula keletihan dan hilang keyakinan. Lantaran itu, wujud keimbangan dalam kalangan orang ramai kemungkinan petugas ini akan ditumpaskan oleh pandemik. Dalam menghadapi situasi yang mula kelihatan runcing, orang ramai menunjukkan semangat patriotik yang menakjubkan dengan memberikan sokongan semangat dan menghulurkan pelbagai bantuan kepada petugas barisan hadapan demi memastikan kubu ini terus utuh dan kukuh. Melalui media sosial,

seperti Facebook, warganet menyebarkan maklumat sahih tentang perkembangan berkaitan Covid-19. Ada yang cuba melahirkan kesedaran dalam kalangan orang ramai supaya menjaga diri dan keluarga dan sama-sama mencegah penularan wabak ini. Tidak kurang yang menggesa kerajaan mengenakan tindakan lebih tegas dan keras terhadap orang yang mengingkari arahan.

Tidak kurang menarik, pendapat awam memperlihatkan pendirian yang jelas terhadap tindak-tanduk ketidakakuratan sebilangan individu termasuk menteri dan kumpulan tertentu. Pendapat awam ini sememangnya tidak bertolak ansur terhadap individu atau sekumpulan orang yang tidak mematuhi perintah kuarantin dikenakan terhadap diri mereka. Bahkan, orang awam tidak menunjukkan sebarang simpati terhadap denda dan hukuman dikenakan terhadap individu yang didapati bersalah.

Tidak seperti tahun-tahun sebelum ini, sambutan kemerdekaan pada tahun ini tanpa upacara perbarisan, yang secara simboliknya, merupakan manifestasi patriotisme. Covid-19 mengubah kelaziman yang diamalkan selama ini. Tidak kelihatan perbarisan gilang-gemilang dan penuh semangat.

Namun begitu, pandemik tidak sama sekali melunturkan semangat

patriotik dalam kalangan rakyat. Mereka bukan sekadar menghayati kemerdekaan tetapi juga wajar menekad azam untuk berjihad menentang, seterusnya menghapuskan Covid-19.

Pada hakikatnya, pembendungan dan pembasmian wabak ini merupakan suatu perjuangan demi penakatan atau kelangsungan negara dan seluruh rakyat. Selagi vaksin atau ubat mujarab belum ditemui, maka selagi itulah perjuangan menentang wabak yang membawa kemusnahan ini akan berpanjangan.

Hanya dengan langkah proaktif dan bersepada daripada kerajaan dan didukung oleh semangat patriotik rakyat, kemaraan Covid-19 mampu diselektrik. Sememangnya, kejayaan hanya akan tercapai dengan pematuhan rakyat terhadap segala arahan kerajaan, disiplin tinggi dan tidak wujud sikap mementingkan diri sendiri.

Susan Goldberg dalam *National Geographic* menegaskan: “Memang jelas kelihatan takdir manusia tidak pernah berhenti menulis sejarah pandemik.”

Tidak kira bagaimana kerap pandemik berlaku – kita secara kolektif enggan berfikir tentang pandemik sehingga keadaan menuntut kita supaya memikirkannya.”

DATUK Mohd. Nizar Sudin ialah Pensyarah Kanan, Fakulti Ekologi Manusia, Universiti Putra Malaysia (UPM).